



Broj: 04-47-5-395-3/18VT  
Banja Luka, 03.06.2019. godine

Asocijacija kompozitora - muzičkih stvaralaca  
**AMUS**  
Ul. Trg solidarnosti br. 2a  
71 000 Sarajevo

fax: 033 218 258

n/r predsjednika Upravnog odbora  
direktora Stručne službe

**PREDMET:** Obavještenje, d o s t a v l j a s e.-  
**VEZA:** Vaš akt broj: 268-GD/19 od 28.05.2019. godine

Poštovani,

Aktom veze, broj datum gornji, koji je zaprimljen u Institutu dana 30.05.2019. godine, dostavili ste Institutu za intelektualno vlasništvo BiH obavještenje da je sjednica Skupštine AMUS-a, koja je bila zakazana za 30.05.2019. godine, otkazana, te da je sljedeća sjednica Skupština zakazana za 23.10.2019. godine. Kao razlog za otkazivanje sjednice Skupštine navedeno je blokiranje računa AMUS-a. U vezi sa navedenim, obavještavamo vas o sljedećem:

Rješenjima Instituta broj: 04-47-5-233/19VT od 14.03.2019. godine i 04-47-5-741-10/19VT od 01.04.2019. godine, naloženo je AMUS-u otklanjanje uočenih nepravilnosti u radu, te su utvrđeni rokovi za njihovo otklanjanje. Rok po prvom Rješenju od 14.03.2019. godine je istekao dana 18.05.2019. godine, a rok po drugom Rješenju od 01.04.2019. godine ističe **08.07.2019. godine.**

Takođe, članom 20. Zakona o kolektivnom ostvarivanju autorskog i srodnih prava („Službeni glasnik BiH“ br. 63/10) propisano je da kolektivna organizacija mora za svaku poslovnu godinu, u roku od šest mjeseci poslije njenog završetka, usvojiti odnosno pribaviti sljedeća dokumenta: godišnji izvještaj organa upravljanja i nadzornih organa o iznosu naplaćenih naknada, njihovoj raspodjeli, poslovanju kolektivne organizacije, izvršavanju kolektivnih ugovora i ugovara sa stranim kolektivnim organizacijama, izvještaj revizorske kuće o izvršenoj kontroli finansijsko-računovodstvene dokumentacije, zajedno s nalazom ovlaštenog revizora o pravilnosti i usklađenosti poslovanja kolektivne organizacije s odredbama zakona, s aktima kolektivne organizacije i sa zaključenim ugovorima, mišljenje organa upravljanja i nadzornog organa o izvještaju i nalazu revizorske kuće, preduzete mjere, ako je ovlašteni revizor našao nepravilnosti u poslovanju kolektivne organizacije, prijedlog finansijskog plana kolektivne organizacije za narednu godinu, koji uključuje plan troškova njenog poslovanja.

Od vas se očekuje da postupite po već donesenim rješenjima Instituta

S poštovanjem,

DOSTAVLJENO:  
-naslovu,  
-a/a

